

「國家社會科學基金重大項目」

何建明

主編

中國地方志
佛道教文獻匯纂

人物卷

(53)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂
人物卷
(53)

圖 國家圖書館出版社

中國地方志佛道教文獻匯纂·人物卷

安徽省 阜陽市

潁州府志

清·王敘福纂修

清乾隆十七年（一七五二）刻本

仙釋

漢

周義山字季道汝陰人丞相勃後父秘陳留刺
史義山年十六讀書外常於平旦日出時東向
服氣嗽咽百數經年父問之對曰義山中心好
此朝日之暉是以服之元鳳中陳留歲饑義山
傾家財以賑適有黃泰者寓陳留綠髮方瞳著
敗衣賣芒屨義山見而奇之使人買履常以金
帛著物中陰以與之泰後詣義山曰我中一仙
人蘇子玄也聞君好道陰德流行是以相詣義

山廷之靜室再拜請乞奇要仙人遂授以長生之道後義山爲紫陽真人白日冲舉

晉

法師道栖汝陰人姓陳氏幼出家爲遵公弟子通經典兼明老莊衆咸宗仰

唐

劉大師者潁州人人莫知其名因以大師呼之嘗乘馬過油店橋見瞽者用藥點之立愈一日復至墜馬坐林下嘶聲如怒濤卽之不見始知其非凡僧後人卽其地爲寺所過橋至今稱迎

仙云

宋

潁州羅漢寺匡果禪師叅雲門文偃禪師悟心地法門於乾和七年跌坐逝

善本大通禪師姓董氏大父珙父溫皆官潁師博極羣書然清修無婚宦意嘉祐八年與弟善思往京師地藏院選經得度習毗尼東遊至姑蘇禮圓照於瑞光寺益臻微奧

明

張古山潁州人父母欲與娶妻不從入迎祥觀

卷之八

人物

一

爲道士張三丰遊賴古山師事之遂得其術三丰遣以渾元衣體製特異未幾召爲武當提點後入山採藥不知所終

賴上縣修大寺欲塑羅漢有僧自稱善塑令庀顏料塑具密局殿宇不日而莊嚴生動金碧各極其致臨行遺書者挨戶跌坐宛然而各家已遍出袖果以示咸異之

劉海舊傳呼蟾於蒙城縣治西北井中今井在城內夏無蛙聲

馬丹蒙城縣人習儒業列諸生後事修煉一

旦仙去其宅在城西南隅後名丹陽觀今廢崇禎間復立東門內

張道人蒙城縣人居玉皇廟隱修冬夏裸體不炎不寒後入武當山中傳以爲仙去

王大慶字堃林太和縣人幼有奇姿稍長解經史勸之婚不從年方冠遊方外遇異人授導引術屏居城隍廟中諸應驗甚奇壽頡兵備道孔公諱天胤者聞其名延之入穎值元夜言及金陵燈火之盛令孔閉目偕之往須臾抵金陵遊三山街既倦入館小酌以資未具留孔衣爲質

以去及反潁城方五鼓次日孔遣人贖衣衾還
則半月餘矣孔益奇之嘉靖庚辰春年已百歲
一夕人見其乘白馬穿朱履蹠一足出郭北去
入廟往視已蓋棺矣及開棺視之惟餘履一隻
而已著有混元肇判集二卷並前後樂道兩歌
傳於世

劉任字弘父潁州人生而目矐子正方隆慶
丁卯舉人博通經籍彎弓擊劍皆不習而能尤
篤好神仙年五十二預刻死日置仙錄懷中曰
吾將與諸仙期海上矣某日吾常與諸仙暫遊

戒其家設供以待賦詩而終至期笙鶴聲繚繞
屋上移晷方去任歿十五年有客遊西山見僧
持扇墨跡方新題曰繹絃居士任手筆也驚詢
其僧云一先輩做帛寺中數日前所贈問其所
往僧曰渠行李留室中數日當復來及守之竟
不復至僧開戶則室已空矣

國朝

杰峯禪師姓張氏河南光州人避寇至潁西羅
漢寺祝髮持戒叅歷遍諸方康熙初年歸潁募
資重修資福寺每結制開堂多方啓示紳士爲

之傾聽壬午盤膝說偈而逝

恒 印潁州人姓張氏賦性雋邁高唱宗風爲
東南緇素依仰歸棲資福寺刻考功體仁檢其
語錄并杰峯語錄梓之

善濟禪師四川人居潁十三年能見鬼神有諸
爲施食者具道其先人容貌衣履又嘗吐露數
人前世因果皆有符驗甯翰林世簪李御史紳
文鹿中丞祐將入都師與言未來事後皆奇驗
林 枝住潁州磚橋集碧霞祠數十年終日跏
坐禪未一日忽通辭鄉鄰曰某於某日相別矣

至期東往謁之見其沐浴更衣跣坐而遙

中國地方志佛道教文獻匯纂·人物卷

安徽省 阜陽市

阜陽縣志

清·潘世仁修 王麟徵纂

清乾隆二十年（一七五五）刻本

阜陽縣志卷之十五

人物四

自漢魏以來二氏之學迄今不廢非以其具拯濟之力消桀驚之心裨益羣生匪一時一地邪况圓通靈異尤非意計可測乎固知詆排攘斥惟大賢克勝之中智以下無爲藉口已志仙釋仙釋

漢

周義山字季道汝陰人丞相勃之後父秘陳留刺史義山年十六讀書外常於平旦日出時東向服氣嗽

咽百數經年父問之對曰義山中心好此朝日之暉
是以服之元鳳中陳留饑義山傾家財以賑有黃泰
者寓陳留綠髮方瞳著敗衣賣芒屨義山見而奇之
使人買履常以金帛著物中陰以與之泰後詣義山
曰我中嶽仙人蘇子玄也聞君好道陰德流行是以
相詣義山延之靜室再拜請乞奇要仙人遂授以長
生之道後義山爲紫陽真人白日冲舉

晉

法師道昞潁人姓陳氏幼出家爲遠公弟子通經典
兼明老莊志節孤峻言與行合念佛三昧究心無閒

義熙十四年豫章太守王虔入山敬謁請爲山中主
衆以道源法嗣咸知宗仰元嘉十二年集衆念佛就
坐而化

隋

張路斯事詳蘇軾昭靈侯廟碑載建置

唐

劉大師憲宗時人人莫知其名因以大師呼之嘗乘
馬過油店橋見瞽者用藥點之立愈一日復至墜馬
坐林下鼾聲如怒濤卽之不見始知其非凡僧也後
人卽其地爲寺所過橋至今稱迎仙云

宋

匡果禪師青原下七世雲門偃禪師法嗣幼依空王
寺參雲門文偃禪師悟心地法門後住羅漢寺僧問
如何是吹毛劒師曰了又問和尚百年後人問向甚
麼處去如何訓對師曰久後遇作家分明舉似僧曰
誰是知音者師曰知音者卽不恁麼問又問鑿壁偷
光時如何師曰錯曰爭奈苦志專心師曰錯錯乾和
七年己酉十月十日跌坐而逝

善本大通禪師青原下十二世慧林本禪師法嗣姓
董氏潁人母無子禱於大士得師及長博極羣書清